



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Lilivm Inter Spinis**

**Sterre, Jean Chrysostome van der**

**Antverpiæ, 1627**

Cap. XLV. De testimonio alterius virginis Elisabeth.

**urn:nbn:de:hbz:466:1-43032**

148 VITA B. IOSEPH  
nem pretiosam, cui ista prædixerat, &  
in vniuersos fines terræ sui Liliij diffu-  
dit odorem.

CAPVT XLV.

*De testimonio alterius virginis*  
ELISABETH.

**V**IRGINIS alterius, æquè sanctæ,  
& eiusdem nominis, testimo-  
nium annectimus. neque enim atte-  
stationes fidelium feminarum, maxi-  
mè viraginum, quæ sexum pariterquæ  
sæculum calcarunt (virgines Dei dico)  
in tali articulo à beneuolis repellun-  
tur. Breuia sunt, sed magna, quæ dico.  
dilige breuitatem, magnitudinem ad-  
mirare. Stabat aliquando Dei Sacer-  
dos eximius, & cum prolixitate dul-  
cedinis, & cum dulcedine prolixitatis  
consuetæ, in maxima hiemis asperita-  
te, sacrosancta mysteria celebrauit:  
qui dum, infra Canonem, manibus  
eueatis astaret, frigoris vehementiam  
(qua



(qua alijs locis & temporibus vehementer vrgeri solebat) non persensit omnino: ita enim à seipso efficiebatur extraneus, vt membra sensibus corporis deputata, per id temporis, in ipso vacarent. Oculus nihil vidit: auris nihil audiuit: à manibus ipsis sensibilitas tactus aufugit. Interfuit tunc temporis Missarum sollemnijs, optimæ opinionis, simplicitatis purissimæ, & castitatis eximiæ præfata Virgo Christi: quæ super Sacerdote Domini cœpit vehementiùs admirari, quòd in tãto temporis spatio, quo adstabat Altaribus, tam immensam frigiditatis vehementiam non sentiret. Mirabiliter aperuit Dominus oculos admirantis, & maiori miraculo dubium admirationis eius absoluit. Fecit enim eam videre summum Sacerdotem, & verum Pontificem, Dominum IESVM, ex vna parte; & beatissimam Matrem ipsius, ex altera parte stare beatissimi Sacerdotis. Nec otiosi astabant, sed

*Nota mirabiles eccl[esi]as Viri sancti sub Missæ Sacrificio.*

*Assistunt Christus & B. Virgo celebranti IOSEPH.*



suo Ministro charissimo, in sacrosan-  
 ctis mysterijs, inuicem ministrabant.  
 Dexteram enim manum eius IESVS,  
 sinistram MARIA tenebat; easque  
 suo calefacientes attactu, frigoris eius  
 vehementiam temperabant. Quid in-  
 dignaris inuida incredulitas? quid fi-  
 delis charitas admiraris? Vide factum;  
 & \* prouisionis reuelatione poteris nec  
 admiratione, nec inuidia commoueri.  
 Tam manifesta est veritas, ut à quo-  
 cumque inuido vel incredulo dubi-  
 tari non possit, beatissimum Domini  
 Sacerdotem, tantam vim frigoris non  
 sensisse: hoc enim corporalium sen-  
 suum testimonio confirmatur. Quo-  
 modo enim si frigus, ut homo, sensis-  
 set, tot horis debilitatus homo in tan-  
 to frigore perdurasset? Sed perstitit, sed  
 perdurauit: nec igni manus adhibuit;  
 nec saltem contractione digitorum,  
 aut frigus temperauit, aut passionis  
 aliquod signum dedit: sed neque per-  
 actis mysterijs, in manibus signum  
 algoris

\* *Ecce*  
*pro visio-*  
*nis.*



ORDINIS PRAEMONST. ISI  
algoris retinuit : relinquitur igitur,  
quòd non sensit. Quòd autem frigus  
non sensit, cuius credi potest gratia fa-  
ctum, nisi Domini I E S V? Verè igitur  
(etsi non fuisset reuelatione probatum)  
manus tuas, Sacerdos dignissime, Do-  
mini I E S V dignatio calefecit. Quis  
dubitet etiam venerabilem Matrem  
ministerium suo reddidisse Ministro;  
quæ ipsi ignem, non solùm corpus,  
sed & spiritum inflammantem, à suo  
vnico Filio suis potuit precibus impe-  
trare? Credo, istam veritatem pio cor-  
de videntem, de visione iucunda mi-  
nimè admirari, aut dubitare debere.  
Perfectis itaque in feruore cordis, &  
corporis refrigerio, sacris Missarum  
sollemnijs; accedens ad angelicum Sa-  
cerdotem virgo contemplatiua, ei,  
quid viderit, explicauit. At ille (sicut  
semper auram humanæ laudis mira  
prudencia declinare solebat) Ego hoc,  
ait, non vidi: sed quia frigus non sensi,  
sic posse fieri cogitavi. Per hoc quod

K 4 ait,



ait, Non vidi (quod utique corporaliter intelligendum est, quia nec corpore nec corpora vidit) suam, negando, humilitatem insinuat: in hoc quòd ait, Cogitavi, spiritualis visionis indicat veritatem. Qui ista mirando deficiunt (quia & viri dignitatem, & dignationem Domini IESU minimè comprehendunt) non minùs mirari poterunt, quæ subnecto. Quid enim minus admirationis habet & miraculi à prædictis, quod à fideli teste & magnæ opinionis audiuius, beatissimam Virginem & Matrem Domini visam fuisse suo Ministro, cum aureo Calice (habente auream Crucem in medio) adstitisse, cum suum vnicum Deo Patri in beatæ Matris offerret honorem; & tandem, aperto & dilatato pectore Sacerdotis, tantæ dignitatis Ministram, vnà cum Cruce & Calice, in medio pectoris suscepisse. Ego non multùm miror, eam in illud pectus visam fuisse introire, in quo  
per

*Aliacius-  
dam de ce-  
lebrante  
IOSEPH  
visio.*



ORDINIS PRAEMONST. 153  
per dilectionis affectum & iugem  
memoriã sine intermissione manebat.

CAPVT XLVI.

*Quòd additi sunt vitæ suæ nouem anni.*

**V**OLO (utinam & dignè valeam!)  
aliud præfatæ Virgini & IOSEPH  
commune miraculum enarrare; quod  
nobis est testimonio vtriusque com-  
pertum. Percusserat seruum suum,  
imò filium prædilectum, ad suam  
gloriam, infirmitate & graui & lon-  
ga; quæ omnibus omnino ad mortem  
tendere videbatur. Venit igitur Virgo  
Christi, vt suum visitaret infirmum,  
quem firmiter diligebat; & vt extre-  
mum vale diceret morituro. Iacebat  
autem tunc, dispositione diuina, in  
quodam castello, vbi à Dei famulis,  
sexus vtriusque, licitè poterat visitari.  
Veniens autem Christi virgo, ami-  
cum quidem humanitus est miserata  
languentem; altiùs \* cum multo do-  
lore

\* Fortè le-  
gendum  
tamen.

K 5

lore